

**MIŠLjENjE**  
**po zahtjevu privrednog subjekta «Amko komerc» d.o.o. Sarajevo, u vezi obaveze**  
**prijave namjere koncentracije**

**Sarajevo**  
**juni, 2012. godine**

Broj: 01-26-7-07-1-I/12  
Sarajevo, 14.6.2012. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na zahtjev privrednog subjekta «AMKO KOMERC» d.o.o. Sarajevo, Kolodvorska 12, 71000 Sarajevo, Bosna i Hercegovina, zaprimljenog od strane Konkurencijskog vijeća dana 18.5.2012. godine pod brojem: 01-26-7-07-1/12 Konkurencijsko vijeće na 38. (tridesetosmoj) sjednici održanoj dana 14.6.2012. godine, daje

### MIŠLJENJE

Privredni subjekt «AMKO KOMERC» d.o.o. Sarajevo, Kolodvorska 12, 71000 Sarajevo (u daljem tekstu: AMKO KOMERC ili Podnosilac zahtjeva), podnio je dana 18.5.2012. godine Zahtjev Konkurencijskom vijeću, zaprimljen pod brojem: 01-26-7-07-1/12, za davanje mišljenja o obavezi prijave namjere koncentracije u slučaju sticanja većinskog vlasništva u privrednom subjektu DOBRINJA d.d. za promet robe na malo i veliko, Mala Aleja 14, Ilidža (u daljem tekstu: DOBRINJA DD).

U zahtjevu je navedeno da privredni subjekt AMKO KOMERC namjerava zaključiti kupoprodajni ugovor o kupovini <sup>1</sup>(..)\*\* % vlasničkog udjela u privrednom subjektu DOBRINJA DD, koji bi obuhvatio kupovinu 15-17 njegovih maloprodajnih objekata.

Pretežne registrovane djelatnosti privrednog subjekta AMKO KOMERC su vanjska i unutrašnja trgovina, trgovina na veliko i malo, i proizvodnja.

Podnosilac zahtjeva u istom navodi da je u 2011. godini, ostvario ukupan godišnji prihod od (..)\*\* KM, dok je privredni subjekt DOBRINJA DD ostvario ukupan godišnji prihod u iznosu od (..)\*\* KM, a da njihov zajednički udio na relevantnom tržištu nije veći od 40%.

Tržišni udio privrednog subjekta AMKO KOMERC na području Federacije Bosne i Hercegovine, na relevantnom tržištu trgovine na malo prehrambenim i neprehrambenim proizvodima u 2010. godini, iznosio je 0,67%, dok je tržišni udio privrednog subjekta DOBRINJA DD na istom tržištu iznosio 0,18% .

Privredni subjekt AMKO KOMERC posjeduje (..)\*\* % vlasništva u osnovnom kapitalu privrednog subjekta Trgovačko društvo za promet roba na malo i veliko i vanjsku trgovinu MARKETI d.d. Sarajevo (dalje u tekstu: MARKETI). Pretežne registrovane djelatnosti privrednog subjekta MARKETI su vanjska i unutrašnja trgovina, trgovina na veliko i malo.

Privredni subjekt AMKO KOMERC također posjeduje (..)\*\* % vlasništva u osnovnom kapitalu privrednog subjekta HEPOK d.d. Mostar, čija je pretežna djelatnost vinogradarstvo, proizvodnja vina i alkoholnih pića, prerada voća, proizvodnja sokova, bezalkoholnih pića, džemova i marmelada.

Privredni subjekt DOBRINJA DD, nema vlasničkih udjela u drugim pravnim licima.

Članom 12. stav (1) i (2) Zakona, utvrđena je kategorija koncentracija, odnosno šta se sve smatra koncentracijom.

---

<sup>1</sup>(..)\*\* podaci predstavljaju poslovnu tajnu

Članom 14. stav (1) tačka b) Zakona, utvrđeno je da su privredni subjekti namjeravanu koncentraciju, iz člana 12. stav (1) Zakona, obavezni prijaviti ukoliko ukupan godišnji prihod svakog od najmanje dva učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, po završnom računu u godini koja je prethodila koncentraciji, ili ako je njihov zajednički tržišni udio na relevantnom tržištu veći od 40%.

Obzirom da nisu ispunjeni uslovi iz člana 14. stav (1) tačka b) Zakona, ne postoji obaveza podnošenja predmetne prijave namjeravane koncentracije.

Ovo mišljenje je dato isključivo na osnovu podataka navedenih u Zahtjevu za davanje mišljenja Konkurencijskog vijeća, te ukoliko isti odstupaju od stvarnog činjeničnog stanja, ovo mišljenje se ne može primijeniti.

**Predsjednik**

**Ibrica Lakišić**